



KUVENDI KOMUNAL PRISHTINE * MUNICIPALIT ASSEMBLY PRISHTINA * SKUPSTINA OPSTINA PRISTINA

Në bazë të nenit 3, par.1, pika b të Rregullores mbi vetëqeverisjen e komunave të Kosovës nr. 2000/45, të dt. 11 gusht 2000, të nenit 19, par.1, pika b dhe të nenit 40, par. 3, pika II të Statutit dhe Rregullave të procedurës të Komunës së Prishtinës. të dt. 16.3.2001, Kuvendi i Komunës së Prishtinës, në mbledhjen e mbajtur më 31.08.2006, merr

V E N D I M

PËR HARTIMIN E PROJEKTIT PËR VAZHDIMIN E RRUGËS “MUHARREM FEJZA” NË PRISHTINË

Neni 1

Miratohet Vendimi për hartimin e projektit për vazhdimin e rrugës “Muharrem Fejza” në Prishtinë.

Projekti i rrugës, nga par. 1 i këtij neni, përfshinë vazhdimin e rrugës “Muharrem Fejza” nga kryqëzimi me rrugën për hyrje në QKU deri te udhëkryqi, e cila e lidh rrugën “Muharrem Fejza” me rrugën “B” të përroit, të planifikuar me Planin rregullues të lagjes “Mati1 “, të miratuar me Vendimin e Kuvendit të Komunës së Prishtinës nr.01-35-18186, të dt. 03.08.2005.

Neni 2

Projekti i rrugës, nga neni 1 i këtij Vendimi, ka një gjatësi prej 540 m, me gjerësi prej 25.1m dhe, i njëjti, do t'i ketë karakteristikat identike me pjesën e rrugës “B” të përroit, të planifikuar sipas Planit rregullues të lagjes “Mati 1”.

Hartimi i projektit kryesor për vazhdimin e rrugës, sipas këtij Vendimi, do të përfshijë vazhdimin e paraparë sipas këtij Vendimi.

Neni 3

Projekti i vazhdimit të rrugës, sipas këtij Vendimi, do të miratohet nga Kuvendi i Komunës së Prishtinës me vendim të veçantë.

Projekti i miratuar me vendimin e Kuvendit të Komunës për vazhdimin e kësaj traseje rrugore do të përfshihet në planin e ardhshëm rregullues të hapësirës së gjerë të kompleksit të cilën e tangon kjo rrugë e planifikuar.

Neni 4

Vendimi për miratimin e projektit për vazhdimin e rrugës, sipas këtij Vendimi, do të zëvendësojë edhe Vendimin për shpalljen e interesit të përgjithshëm të tokës, e cila nevojitet për zgjerimin e asaj rruge në tërësi sipas pjesëve të ngastrave kadastrale dhe sipërfaqet e tyre të përshkruara gjatë hartimit të projektit, dhe i njëjti do të paraqesë bazë për fillimin e procedurës për eksproprijimin e tokës së nevojshme për zgjerim të kësaj traseje rrugore.

Neni 5

Për realizimin e këtij Vendimi do të kujdeset Bordi i drejtorëve i Komunës së Prishtinës.

Secila drejtori e Komunës së Prishtinës do të kryejë veprime nga përgjegjësia e saj e caktuar me Statut dhe rregullativën tjetër ligjore, me qëllim të realizimit të këtij Vendimi.

Neni 6

Ky Vendim hyn në fuqi ditën e miratimit

KUVENDI I KOMUNËS SË PRISHTINËS
01.Nr.344-437/2, më 31.08.2006

KRYETARI I KUVENDIT
Ismet Beqiri